



Inatsisartunut ilaasortaq
Ineqi Kielsen, Siumut

Asasara Ineqi Kielsen

Meeqqat atuarfiat pillugu apeqqutinnut Naalakkersuisut qutsavigaatsit.

Apeqqut 1: *Meeqqat atuarfianni agguaqatigiisillugu atuartoq ukiumut akunnerit qassit atuartinneqartarpa?*

Akissut: Ilinniartitaanermut aqutsisoqarfiup (Inerisaavik) ilisimatitsissutigaa ukiumut atuarfiusumut 2014/2015-imut juulip aallaqqaataani atuarfinniit nalunaarsuutit katersorneqaleruttortut. Piffissami matumani atuarfiit arlaqartut nalunaarsuutinik nassiusseqqullugit suli nukingisaarneqarput. Naatsorsuinerit ingerlanneqartussat takutissavaat akunnerit atuartsiviusimasut akunnernut atuartsiviusussatut pilersaarutaasimasunut naleqqersuunneqarneri. Naalakkersuisut taamaammat massakuugallartoq atuartut agguaqatigiisillugu ukiumut akunnerni qassini ukiumi atuarfiusumi 2014/2015-imi atuartinneqarsimanersut ilisimatitsissutigisinnaanngilaat. Ilinniartitaanermut aqutsisoqarfiup aamma ilisimatitsissutigaa naatsorsuinerit kissaatigineqartut ukiut siuliinut tunngasut atuarfinit nalunaarsuutit nassiuunneqarsimasut amigaateqarpallaarneri peqqutigalugu ingerlanneqarsinnaanngitsut.

Apeqqut 2: *Atuartup ukiuni atuarfiusuni akunnerit qassit katillugit atuartigisussaataitavai?*

Akissut: Meeqqat atuarfiat pillugu Inatsisartut inatsisaanni nr. 15-imi 3. december 2012-imeersumi meeqqat atuarfianni piffissamik atuartsinermut minnerpaamik atuiffissamut ullullu atuarfiusut agguataarnissaannut aalajangersagaqarpoq.

Piffissamut atuartut (pinngitsooratik) atuartinneqarfissaannut tunngatillugu (§ 7): Piffissaq atuartut atuartinneqarfissaat tiimit atuartsiffiusut 60 minutsikkaartut tunngavigalugit ukiumoortumik naatsorsorneqartarpoq.

Nukarlerni ukiuni atuartsiffiusuni pingasuni tamani atuartut ukiumut minnerpaamik nalunaaquttap akunnerini 700-ni atuartinneqartassapput.

Akullerni atuartut ukiut atuartsiffiusut 4-aani minnerpaamik nalunaaquttap akunnerini 890-ini, ukiut atuartsiffiusut 5-iani minnerpaamik nalunaaquttap akunnerini 920-ni, ukiullu atuartsiffiusut 6-ianni 7-iannilu minnerpaamik nalunaaquttap akunnerini 970-ini atuartinneqartassapput.

02-09-2015
Sagsnr.2015-459
Dok. nr. 982200

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Angajullerni atuartut pinngitsoorani atuartitsissutini, ukiut atuartitsiffiusut 8-anni, minnerpaamik nalunaaquttap-akunnerini 880-ini, ukiut atuartitsiffiusut 9-anni minnerpaamik nalunaaquttap-akunnerini 910-ni kiisalu ukiut atuartitsiffiusut 10-anni minnerpaamik nalunaaquttap-akunnerini 920-ni atuartinneqartassapput.

Kommunalbestyrelsili tigussaasumik nalilersuineq tunngavigalugu aalajangersinnaavoq atuaqatigiit ikittunnguanik atuartullit, soorlu nunaqarfiit atuariini akunnerit minnerpaamik atuartitsiviusussat ataallugit atuartitsisoqarsinnaasoq. Aalajangernerli taamaattoq perorsaanikkut nalilersuineramik tunngaveqartumik pissaaq.

Ukiup atuariusup sivisussusaanut tunngatillugu (§ 8):

Ukioq atuariusooq 1. august aallartittassaaq, ullullu atuariusussat 200-niit 240-nut amerlassuseqassallutik, atuartitsinerlu sapaatip-akunnerata ulluini siullerni 5-ni imaluunniit ulluini siullerni 6-ni pisassaaq.

Apeqquut 3. *Ilinniartitsisut angerlarlutik piareersarsinnaatitaanerata pitsaaqutai aammalu pitsaanngequtai Naalakkersuisunit siuliani misissorneqarnikuunerpat?*

Ilinniartitaanermut aqutsisoqarfiup (Inerisaavik) ilisimatitsissutigaa qulaani aqeqqutigineqartut misissuiffigineqarsimangitsut.

Inerisaavimmili siunnersortit - misillitakkatik malillugit – ilisimavaat ilinniartitsisut akornanni sumi pitsaanerpaamik piareersartoqarsinnaaneranut isummat assigiinngitsorujussuusut. Aamma periarfissat assigiinngitsut sutigut pitsaaquteqarlutillu pitsaanngequteqarnersut assigiinngitsorpassuarnik isumaqarfigineqarput.

Angerlarluni piareersarnermut akerlianillu suliffeqarfimmi piareersarnermut apeqquut IMAK-imi ilaasortanit IMAK-imilu siulersuisunit eqqartorneqartarsimavoq. Tamanna pillugu nalunaarut tassaavoq ilinniartitsisut namminneerlutik piffissaq piareersarnermut atugassartik aalajangiiffigerusukkaat. Ilutigitillugu ilisimaqquneqarpoq ilinniartitsisut ulloq naallugu atuartitsereraangamik qasuersaalaarfeqarsinnaasariaqartatut.

Meeqqat atuarianni eqimattakkaarluni (team) suleqatigiittarnissaq piumasaaqaataavoq tamannalu atuariimmi piareersartarnikkut nukittorsarneqarsinnaassaaq. Atuariimmili piareersartarneq atortorissaarutinik pisariaqartitsivoq taakkuali ullumikkut atuariinni arlalinni pigineqanngillat.

Pineqartoq tamarmi Namminersorlutik Oqartussat IMAK-illu sulinermut isumaqatigiissutaanut ilaatinneqarpoq.

Inussiarnersumik inuulluaqqusilluta